

Una bella storia d'amore....

Nu juorno na cacata sulitaria,
meza annascosta dint' 'a nu sentiero,
c'o sole 'e luglio e c'o profumo 'e ll'aria
s'annammuraie d"o strunzo 'e nu pumpiero.

Essa era tonna, acconcia, piccerella,
isso era niro, gruosso, frisco frisco;
essa era fatta a fforma 'e cuppulella,
isso rassumigliava a n'obelisco.

E, cu ll' intermediario 'e nu muscone
na bella sera tutta profumata,
'o strunzo avette 'a dichiarazione
d'ammore d'a cacata nnammurata.

Isso era nato sotto mala stella;
ca maje nisciuno l'aveva guardato ...
Vulette bene a chella cacatella
cchiù assaie d'o culo ca l'avea cacato.

Ma stevano luntano; e sulo 'a luna,
e sulo 'e pprete e sulo 'e ffrasche verde
sapevano 'e turmiente, a uno a uno,
'e chilli duie sperdute piezze 'e mmerda.

E na matina, erano verso ll'otto,
nu cato d'acqua 'a copp'a 'na fenesta
facette comm"o libbro galeotto

Idillio 'e mmerda

Scritto da Toccio

Giovedì 03 Febbraio 2005 16:29 - Ultimo aggiornamento Giovedì 03 Febbraio 2005 16:30

'e 'onna Francesca e Paolo Malatesta.

Benedicenzo 'nzieme chella secchia,
s'astrignètero forte. Erano sule:
essa lle regalaje na pellecchia,
isso lle regalaje dduie fasule.

Chiano, sciulianno dint'a ll'acqua 'alice,
cu nu curteo 'e muschille int'o sentiero,
sotto 'o sole, 'a cacata 'e stiratrice
se mrnaretaje c'o strunzo d'o pumpiero.

E in viaggio 'e nozze stettero abbracciate
mmiez'a dduie pezze 'e càntere scassate.

Ferdinando RUSSO